

!Halo i kam long SIMBABWE!

Simbabwe i stap long Saot blong Afrika. I gat ova long 16,500,000 pipol oli stap long ples ia.

HEMIA I WAN NAES WOTAFOL

Victoria Falls long Simbabwe i wan long ol bigfala wotafol long wol. !Yu save stap 40 kilometa longwe mo harem noes blong wotafol ia!



WAN VISIT BLONG PROFET

Long Epril 2018 Presiden mo Sista Nelson oli bin visitim Simbabwe. Plante long ol pikinini i singsing "Mi Pikinini blong God" long tufala.



Livukile!

Hemia i minim "IGud moning! Long Ndebele.

OL NAES ANIMOL

I gat plante ples we gras i fulap long hem long Simbabwe. Sam long ol animol we oli stap laef long ples ia i ol laeon, ol ipopotomas, ol jiraf, ol antelop, mo ol elefen.



OL LANWIS

Simbabwe i gat 16 ofisol lanwis. Sam long olgeta i: Shona, Ndebele, mo Inglis—jes blong talem sam nem blong olgeta!



AKTIVITI

Pleplei Elefen.

Simbabwe i gat nambatu bigfala namba blong elefen long wol!

1. Katem wan bigfala pis blong pepa sekel blong hed blong hem mo tu smol sekel blong sora. Afta putum glu long sora i go long hed.
2. Katem wan long rektangol blong mekem longfala nus blong hem. Foldem i gobak biae mo fored blong mekem wan sig-sag sep.
3. Katemaot tufala tut blong elefen.
4. Naoia droem ol ae mo wan smael blong elefen blong yu. !Afta putum glu mo stakem ol tut mo longfala nus i go antap!



RESIPI



Muriwo Unedovi (Pinat Bata Grins)

Muriwo unedovi i wan tradisen kakae blong Simbabwe. !Hemia wan resipi we yu save traem!

1. Katem **1 anian** mo kukum long sospen wetem **oel** blong 3–5 minit. Katem **2 tomato** mo putum i go long sospen. Kukum blong 3–5 minit bakegen.
2. Katkatem spinaj **10 kap (2400 ml)** (o wan grin lif i folem joes blong yu) mo putum insaed long sospen. Mekem ol grins ia tan blong 5 minit.
3. Putum **2 tebol spun (30 ml) pinat bata**, **1/4 kap (59 ml) wota**, mo **1/2 ti spun (2.4 ml) blong galik paoda**. Miksim gud mo ademap **sol** blong i gat tes.

!Mekem sua blong askem help long wan adalt!